

Vicente Barrós Cambra

(Graus 1876-1943)

Estió un activista (fundó o Sindicato de Iniciativas, Propaganda y Atracción de Forasteros de Graus) y escritor que, amás de dixer muita obra inedita (un *Dizionario del dialecto gradense*, escritos sobre chuegos y cantos infantils), pastoradas, himnos... colaboró profusamén en prensa (tamién con Gaspar Torrente en El Ideal). O poema en aragonés baixoribagorzano publicau en El Ebro “Del corazón de Ribagorza mos yen de fé” ye tot un manifiesto de promoción turistica de Graus y o suyo entorno, con tintes de discreta reivindicación (o chuzgau, a escuela graduada, as comunicazions...), ye tomau d'o *Heraldo de Ribagorza* («Periodico Decenal Independiente. Organo de Ribagorza, Sobrarbe y Litera y defensor d'os suyos intréses»).

D'os intréses d'a comarca tamién s'ocupó *La Voz del Isábena*, segundo rotativo ribagorzano que prestó a El Ebro creyazión literaria en o suyo dialecto. «Del corazón de Ribagorza» y sin firma, a modo de conversazión con un paisano en o que se toca o tema d'as fronteras eclesiásticas entre Aragón y Cataluña, l'obcheto prenzipal ye difundir a nezesidat de quitar adebán o proyeuto de carretera Lascuarre-Vilaller. Estió un d'as prenzipals fins d'ista cabezera editada en Serraduy. O testo (añade Óscar Latas) ye lingüisticamén perteneixién a un dialecto mui zercano a lo catalán, dau que en ixa zona a luenga ye o catalán.

Carlos Serrano Lacarra